



## Snježana Marjanović-Lisac

*Prim. mr sc. med.*

### Bosna i Hercegovina

Specijalista neuropsihijatrije, subspecijalista bolesti ovisnosti, magistar medicinskih nauka.

Rođena je 1952. godine u Sarajevu, gdje završila osnovnu školu i Drugu Gimnaziju, a 1978. godine je diplomirala na Medicinskom fakultetu Univerziteta u Sarajevu.

Specijalizaciju iz neuropsihijatrije obavila je u Sarajevu (Univerzitetski medicinski centar) i Beogradu (Institut za mentalno zdravlje i Neuropsihijatrijska klinika Avala), te položila specijalistički ispit u Sarajevu 1983. godine. Magistarsku tezu iz dječje i adolescentne psihijatrije i psihologije odbranila je 2006. godine na Univerzitetu u Sarajevu. Titula Primarius dodijeljena joj je 2012. godine, a od strane Federalnog ministarstva zdravstva 2015. godine dobija status subspecijaliste za bolesti ovisnosti. Profesionalnu karijeru na različitim ozicijama obavljala je u Psihijatrijskoj bolnici Sokolac, Klinici za psihijatriju Univerzitetskog kliničkog centra u Sarajevu, a od 2002. godine zaposlena je u Zavodu za bolesti ovisnosti Kantona Sarajevu, gdje je aktuelni šef Odjeljenja za narkomaniju (od 2006.). Posebna profesionalna polja interesovanja su joj mentalno zdravlje mladih, prevencija i liječenje ovisnosti o psihoaktivnim supstancama, uvođenje suvremenih dijagnostičkih i terapijskih strategija u liječenju ovisnosti, mentalni i somatski poremećaji povezani sa upotrebom i ovisnosti o psihoaktivnim supstancama, unapređenje i zaštita zdravlja stanovništva, posebno žena i mladih. Jedan je od prvih ljekara pionira-entuziasta koji su se počeli baviti adiktivnom medicinom u Bosni i Hercegovini. Do sada objavila više od 30 naučnih i stručnih radova iz oblasti mentalnog zdravlja, psihijatrijskih poremećaja, poremećaja vezanih za zloupotrebu droga i drugih komorbiditenih somatskih i psihijatrijskih poremećaja povezanih sa upotrebom droga. Bila je aktivni predavač na mnogobrojnim stručnim skupovima u našoj zemlji i inozemstvu, edukator u školama, lokalnim zajednicama, zdravstvenim institucijama i drugim vladinim i nevladinim institucijama, a učestvovala je i u stručnom osposobljavanju ljekara pripravnika, sekundaraca i specijalizanata, kao i konsultant u izradi stručnih radova. Posebno se ističe njen višegodišnji društveni i volonterski rad u mnogim nevladinim organizacijama, čime je dat značajan doprinos u prevenciji ovisnosti, podizanju svijesti javnog mijenja o ovoj problematici, uspostavljanju uske suradnje vladinog i nevladinog sektora, kao i rad na destigmatizaciji i poštivanju prava pacijenata. Član je većeg broja stručnih i profesionalnih udruženja: Ljekarska-liječnička komora Kantona Sarajevo, Udruženje psihijatara u Bosni i Hercegovini, Udruženje za biološku psihijatriju/psihofarmakologiju Federacije Bosne i Hercegovine, Hrvatsko društvo za znanost i umjetnost. Takođe, član je i Stručnog vijeća i član Etičkih komiteta u Zavodu za bolesti ovisnosti Kantona Sarajevo, Psihijatrijskoj bolnici Kantona Sarajevo i Ljekarskoj-liječničkoj komori Kantona Sarajevo, kao i član Komisije Zavoda za bolesti ovisnosti Kantona Sarajevo za izradu Pravilnika za prevenciju i borbu protiv korupcije. Ima i dodatne sertifikovane edukacije iz zdravstvenog menadžmenta (SHCE1, Federalno ministarstvo zdravstva) i poboljšanja kvaliteta i sigurnosti u zdravstvenoj zaštiti (AKAZ).